



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



ՀԱՅԿԱՍՏԱՆԻ

Գրք. զբ. մանկ.



ԳՐԱԴԱՐԱՆ

Հրատ. Ասկիւղեաճի եւ Ընկ.

1.

891.99  
P-89

6 NOV 2011

891.99 ՀԱՅ ԲԱՆԱՍՏԵՂԹՆԵՐ

10-89

ԱՄ.

ՅՈՂ. ԹՈՒՄԱՆԵԱՆ.

8997

ՍԱՍՈՒՆՅԻ

Գ Ա Ի Ի Թ Ը

1001  
1678

Պոհմ

Հասարակօրին  
Ս Տ. Լ Ի Ս Ի Յ Ն Ա Ն Ի  
Ե Ը Ն Կ.

23.04.2013

32394



ՍԱՍՈՒՆՑԻ

ԳԱԻԻԹԸ

Доз. ценз. Тифлисъ, 4-го марта 1904 года.



I

Առիւծ-Մընկերը, զարմով դիւցազուն  
Քառասուն տարի իշխում էր Սասուն.  
Իշխում էր անեղ, ու նըրա օրով  
Հաւքն էլ չէր անցնում Սասմայ սարերով:  
Սասմայ սարերից շատ ու շատ հեռու  
Թընդում էր նըրա հրոչակն անարկու,  
Խօսում էր իր փառքն, արաբքն անվեհեր.  
Հազար բերան էր—մի Առիւծ Մընկեր:

II

Էսպէս, անաւոր առիւծի նըման,  
Սասմայ սարերում նըստած էր իշխան  
Քառասուն տարի: Քառասուն տարում  
«Ա՛խ» չէր քաշել նա գեռ իրեն օրում.  
Բայց հիմի, երբ որ եկաւ ծերացաւ,

էն անահ սիրտը ներս սողաց մի ցաւ:  
Սկըսաւ մըտածել զիւցազուն ձերը.  
— Հասել են կեանքիս աշնան օրերը,  
Շուտով սև հողին կերթամ ես գերի,  
Կանցնի ծըխի պէս փառքը Մըհերի,  
Կանցնեն ե' անուն, ե' սարսափ, ե' ահ,  
Իմ անտէր ու որբ աշխարքի վըրա  
Ոտի կը կանգնեն հազար քաջ ու զե...  
Մի ժառանգ չունեմ՝ իմ անցման հաս  
Իմ թուրը կապի, Սասուն պահպանի...  
Ու միտք էր անում հըսկան ձերունի:

### III

Մի օր էլ՝ էն գորշ յօնքերը կիտած  
Երբ միտք էր անում, երկնքից յանկարծ  
Մի հուր-հըրեղէն յայտնուեց քաջին,  
Ոտները ամպոտ կանգնեց առաջին:  
— Ողջոյն մեծագոր Սասմայ հըսկային.  
Քու ձայնը հասաւ Աստըծու գահին,  
Ու շուտով Նա քեզ մի գաւակ կըտայ:  
Բայց լաւ իմանաս, լեռների սըքայ,  
Որ օրը որ քեզ ժառանգ է տըւել,  
էն օր կը մեռնէք քու կինն էլ, գու էլ:  
— Իր կամքը լինի, ասաւ Մըհերը.  
Մենք մահինն ենք միշտ ու մահը մերը,  
Բայց որ աշխարքում ժառանգ ունենանք,  
Մենք էլ նըրանով անմեռ կը մընանք:  
Հըրեշտակն այտեղ ցոլացաւ նորից,  
Ու էս երջանիկ աւետման օրից

Երբ իննը ամիս, իննը ժամն անցաւ,  
Առիւծ-Մըհերը գաւակ ունեցաւ:  
Դաւիթ անւանեց իրեն կորիւնին,  
Կանչեց իր եղբայր Ջէնով Օհանին,  
Երկիրն ու որդին աւանդեց նըրան,  
Ու կինն էլ, ինքն էլ էն օրը մեռան:

### IV

էս դարում Մըսըր անյաղթ ու հըզօր  
Մըսրա-Մելիքն էր նստած թագաւոր:  
Հէնց որ իմացաւ՝ էլ Մըհեր չը կայ,  
Վեր կացաւ կըռուով Սասունի վըրա:  
Ջէնով Օհանը ահից սարսափած՝  
Թըշամու առաջն ելաւ գըլլաբաց,  
Աղաչանք արաւ, ընկաւ ոտները.  
— Դու եղիբ, ասաւ, մեր գըլլի տէրը,  
Ու քու շըւաքում քանի որ մենք կանք,  
Քու ծառան լինենք, քու խարջը միշտ տանք,  
Միայն մեր երկիր քարուքանդ չանես  
Ու քաղցըր աչքով մեզ մըտիկ անես:  
— Ձէ, ասաւ Մելիք, քու ամբողջ աղգով  
Անց պիտի կենաս իմ թըրի տակով,  
Որ էգուց-էլօր, ինչ էլ որ անեմ,  
Ոչ մի սասունցի թուր չառնի իմ դէմ:  
Ու գընաց Օհան՝ բողբոջովանդակ  
Սասունը բերաւ, քաշեց թըրի տակ.  
Մենակ Դաւիթը, ինչ արին-չարին,  
Մօտ չեկաւ դուշման Մելիքի թըրին:  
Եկան քաշեցին՝ թէ զօրով տանեն,

Թափ տըլաւ, մարդկանն զբցեց զէս ու զէն՝  
Փոքրիկ ճրկոյթը մի քարի առաւ,  
Ապառաժ քարից կըրակ դուրս թըռաւ:  
—Պէտք է սպանեմ էս փոքրիկ ծուռին,\*  
Ասաւ թագաւորն իրեն մեծերին:  
—Թագաւոր, ասին, դու էսքան հըզօր,  
Թըրիդ տակին է ողջ Սասունն էսօր.  
Ի՞նչ պէտք է անի քեզ մի երեխայ,  
Թէկուզ իր տեղով հէնց կըրակ դառնայ:  
—Դուք գիտէք, ասաւ Մըսրայ թագաւոր,  
Բայց թէ իմ զըլխին փորձանք գայ մի օր,  
էս օրը վըկայ,  
Սըբանից կը գայ:

Վ

էս օր պատահեց, մեր Դաւիթ հըսկան  
Մի մանուկ էր զեռ կօթ-ութ տարեկան.  
Մանուկ եմ ասու՛մ, բայց էնքան ուժեղ,  
Որ նըրա համար թէ մարդ,—թէ մըժեղ:  
Բայց հընուց խօսք է, մեծ իմաստ ունի,  
Թէ խաչը՝ տէրը զօրաւոր կանի:  
Վայ անտէր որբին աշխարքի վըրա,  
Թէկուզ Առիւծի կորիւն լինի նա:  
Ձէնով Օհանին ունէր մի չար կին:  
Մին-երկու լըռեց, մի օր էլ կարգին  
Իրեն մարդու հետ սկըսաւ կըռուկ.  
—Ես մենակ հողի, հազար ցաւի տէր,  
Ի՞նչ ես ուրիշի եթիմը բերի,

\*) Խենթ:

Նըստեցրել զըլխիս պարապ հացակեր...  
Հոգեմ գլուխը... ես գերի հօ չեմ՝  
Ամենքի քէֆի ետեից թըռչեմ...  
Մի կուռ կորցըրու, կարգիր մի բանի,  
Գընա, իր համար աշխատանք անի...  
Ու հետն սկըսաւ ողբալ ու կոծել,  
Իր օրը սըզալ, իր բախտն անիծել,  
Թէ անբախտ եղաւ աշխարքի միջում,  
Ոչ մի տէր ունի, ոչ մարդն է խըղձում...  
Գընաց Օհանը երեխի ոտի  
Մի զոյգ ստնաման բերաւ երկաթի,  
Երկաթի մի կողմ\*) շալակին զըրած,  
Ու արաւ Սասմայ քաղքի գառնարած:

Վ1

Քըչեց գառները մեր հովիւ հըսկան,  
Ելաւ Սասունի սարերն անըման.

«է՛յ ջան, սարեր,  
Սասման սարեր»...  
ամսճ

Որ կանչեց, նըրա ձէնից աճաւոր  
Դըրօրդ-զըմրդըմըցն ընկաւ սար ու ձոր,  
Վայրի գազաններ բընեից փախան,  
Բարէքար ընկան, գատարկուն եղան:  
Դաւիթը ընկաւ նըրանց ետեից,  
Որին մի սարեց, որին մի ձորից—  
Ազէս, նապաստակ, գայլ, կղնիկ բըռնեց,  
Հաւարեց, բերաւ, գառներին խառնեց,  
Իրեկան քըչեց ողջ Սասմայ քաղաք:

\*) Մահակ

Կաղկանձ ու ոռնոց, աղմոճէկ, աղաղակ...  
Քաղքըցիք յանկարծ մին էլ էն տեսան՝  
Գալիս են հըրէս անհամար գազան.

«Վա՛յ, հարա՛յ, փախէ՛ք...»  
Մեծեր, երեխէք  
Սըրտաճաք եղած,  
Գործները թողած,

Որը տուն ընկաւ, որը ժամ, խանութ,  
Ու ամուր փակեց դուռն ու լուսամուտ:  
Դաւիթը եկաւ, կանգնեց մէյդանում.

—Վա՛հ, էս մարդիկը ի՛նչ վաղ են քընում.

Հէյ ուլատէր, հէյ գառնատէր,  
Ելէք, շուտով բացէք դռներ.  
Ով մինն ունէր—տասն եմ բերել,  
Ով տասն ունէր—քըսանն արել...  
Շուտով ելէք, եկէ՛ք, տարէ՛ք,  
Ձեր գառն ու ուլ գոմերն արէք:

Տեսաւ՝ չեն գալի, դուռ չեն բաց անում,  
Ինքն էլ մեկնուէց քաղքի մէյդանում,  
Գըլուխը դըրաւ մի բարի՝ մընաց  
Ու մուշ-մուշ քընեց մինչև լուսարաց:  
Լուսին իշխաններ ելան միասին,  
Գընացին Ձէնով Օհանին ասին.

—Տօ Ձէնով Օհան, տօ մահի տարած,  
էս խենթը բերիր, արիք գառնարած,  
Ոչ գառն է շոկում, ոչ գայլն ու աղւէս,  
Գազանով լցրեց մեր քաղաքն էսպէս.  
Աստուած կըսիրես՝ զի՛ր ուրիշ բանի,  
Թէ չէ էս խալիսին լեղաճաք կանի:

Ելաւ Օհանը, Դաւիթի ձօռ գընաց  
—Հօբեղբայր Օհան, հեռու եկ, կամսց,  
Ուլեր կըփախչեն:—Մին էլ էնտեղից  
Մի բող \*) նապաստակ, ականջները ցից,  
Խրանեց ու ահից դուրս պըծաւ յանկարծ:  
Դաւիթն էր. ելաւ, ետևից ընկած  
էն սարը քըշեց, ետ բերաւ էս ձոր,  
Բերաւ, ուլերին խառնեց նորից նոր:  
—Օ՛ֆ, ի՛նչ դըժար է, հօրեղբայր Օհան.  
Աստուած օխնել է էն սև-սև ուլեր,  
Ամա բողալուկ էս ուլեր, որ կան,  
Փախչում են, ցըրում ողջ սարերն ի վեր.  
էնքան եմ երեկ վաղել, չարչարուել,  
Մինչև հաւաքել ու տուն եմ բերել...

Նայեց Օհանը, որ Դաւիթի հագին  
Ոտնաման չի էլ մընացել կարգին,  
Մահակն է մաշել, մինչ բուռն է հասել,  
Մի օրւայ միջում էնքան է վաղել:  
—Դաւիթ ջան, ասաւ, չեմ թողնի էսպէս,  
Բողալուկ ուլեր չարչարում են քեզ.  
էգուց նախիրը կըտանես արօտ:

Ասաւ Օհանը ու միւս առաւօտ  
Գընաց, նորից նոր մեր Դաւիթի ոտի  
Մի ջուխտ նոր տըրեխ բերաւ երկաթի,  
Երկաթի մի կող հարիւր լըգբական  
Ու շինեց Սասմայ քաղքի նախրապան:

\*) Սպիտակաուտն:

Քրչեց նախիրը մեր նախորդ հըսկան,  
Ելաւ Սասունի սարերն աննըման:

—«Է՛յ, ջան սարեր,  
Սասման սարեր,  
Ի՛նչ անուշ է  
Ձեր լանջն ի վեր»...

Որ կանչեց, նըրա ձէնից ահաւոր  
Դըղորդ—գըմըգըմըոցն ընկաւ սար ու ձոր:

Վայրի գազաններ բընեւից փախան,  
Քարէքար ընկան, դատարկուն եղան:  
Դաւիթն էր. ընկաւ նրանց ետեւից,  
Որին մի սարից, որին մի ձորից,  
Գայլ, ինձ, առիւծ, արջ, վազըր բըռնեց,  
Հաւաքեց, բերաւ, իր նախրին խառնեց  
Ու առաջն արաւ դէպ Սասմայ քաղաք:  
Ոռնոց, մըռընչիւն, աղմո՛ւկ, աղաղմիկ...  
Վախկոտ քաղքըցիք մին էլ ի՛նչ տեսան,  
Հէնց քաղքի վըրայ անհամար գազան...

—«Վայ, հարայ, փախէք...»

Մեծեր, երեխէք  
Սըրտաճաք եղած,  
Գործները թողած

Փախան, ներս ընկան ատուն, ժամ կամ խանութ,  
Ամուր փակեցին դուռն ու լուսամուտ:

Դաւիթը եկաւ կանգնեց մէյդանում.

—Վահ, էս քաղքըցիք ի՛նչ վաղ են քընոււմ:  
Հէյ կովատէր, հէյ գոմշատէր,

Ելէք, շուտով բացէք դըռներ,  
Ով մինն ունէր—տասն եմ բերել,  
Ով տասն ունէր—քըսանն արել:  
Շուտով ելէք, ելէք, տարէք,  
Ձեր եզն ու կով գոմերն արէք:

Տեսաւ՝ չեն գալի, դուռ չեն բաց անում,  
Ինքն էլ մեկնուեց քաղքի մէյդանում,  
Գըլուխը դըրաւ մի քարի, մընաց,  
Ու մուշ-մուշ քընեց մինչև լուսաբաց:  
Լուսին իշխաններ ելան միասին,  
Գընացին Ձէնով Օհանին ասին.  
—Աման, քեզ ժատաղ, այ Օհան ախպեր,  
Մեր եզն ու մեր կով թող մընան անտէր,  
Միայն սրանից ազատ արա մեզ:  
Ոչ արջն է ջոկում, ոչ գոմէջն ու եղ,  
Մի օր էս քաղքին փորձանք կըրերի,  
Արջերոց կանի, կըտայ կաւերի:

## IX.

Դաւիթ չըգառաւ, մի կըրմիկ գառաւ:  
Ճարը կըտըրւած՝ Օհանը բերաւ  
Նետ-աղեղ շինեց ու տըլաւ իրեն՝  
Գընայ, որս անի սարերի վըրէն:  
Դաւիթ նետ-աղեղն առաւ Օհանից,  
Հեռացաւ Սասմայ քաղքի սահմանից  
Ու դառաւ որսկան: Գնաց, մի կորկում\*)  
Լոր էր սպանում, ճնճողուկ էր դարկում,  
Մըթանը գընում իրեն հօր ծանօթ

\*) Կորեկի արա:



Աղքատ, անորդի մի՞ ծեր կընկայ մօտ,  
Վիշապի նըման, երկամբ, ահագի՛րն  
Մեկնըւում, քընում կըրակի կողքին:  
Մի օր էլ, երբ որ էր որսից դարձաւ,  
Պառաւը վըրէն սաստիկ բարկացաւ.  
—Վնյ Դաւիթ, սասաւ, մահըս տանի քեզ,  
Դո՛ւ պէտք է էն հօր դաւակը լինէս:  
Ձեռից ու ոտից ընկած մի ծեր կին—  
Ես եմ ու էն արտն Աստըծու տակին,  
Ինչո՛ւ ես գընում, տափում, տըրորում,  
Իմ ամբողջ տարւան ապրուստը կըտրում:  
Թէ որսկան ես դու—նեա աղեղը ան,  
Ծըծմակայ գըլխից մինչև Սեղաննար  
Քու հէրը ձեռին մի աշխարհ ունէր,  
Որսով մէջը լի որսի սար ունէր.  
Եղնիկ կայ էնտեղ, այծեամ ու պախբա.  
Կարճիկ ես—գընա, էնտեղ որս արա:  
—Ի՞նչ ես, նյ պառաւ, էլ ինձ անիծում.  
Ես ջահիլ եմ դեռ, ես նոր եմ լըսում:  
Ո՞րտեղ է հապա սարը մեր որսի...  
—Գընա, հօրեղբայրդ—Օհանը կասի:

### X.

Հօրեղբօր շէմքում միւս օրը ծէգին  
Դաւիթը կանգնեց աղեղը ձեռքին:  
—Հօրեղբայր Օհան, ինչո՛ւ չես ասել՝  
Իմ հէրը որսի սար է ունեցել,  
Այծեամ կայ էնտեղ, եղջերու, կըխտար:  
Վեր կաց, հօրեղբայր, տար ինձ որսասար

—Վնյ, կանչեց Օհան, էդ քու խօսքը չէր,  
էդ ով քեզ սասաւ, լեղուն պապանձւէր:  
էն սարը, որդի, գընաց մեր ձեռից,  
էն սարի որսն էլ գընաց էն սարից,  
էլ չկան այծեամ, եղջերու, կըխտար:  
Քանի լուսեղէն քու հէրը դեռ կար,  
(է՛յ գիտի օրեր—նրտեղ էք կորել...)   
Ես շատ եմ էնտեղ որսի միս կերել...  
Քու հէրը մեռաւ, Աստած խըռովեց,  
Մըսրայ թագաւոր զօրքեր ժողովեց,  
Եկաւ, մեր երկիր քարուքանդ արաւ,  
էս սարի որսն էլ թալանեց, տարաւ.  
Եղնիկը գընաց, եղջերուն գընաց...  
Մեր գիւրն էլ հալրաթ էսպէս էր գըրած:  
Անցել է, որդի, քու բանին գընա,  
Մըսրայ թագաւոր ձէնըդ կիմանայ...  
—Մըսրայ թագաւոր ինձ ի՞նչ կանի որ...  
Ես ի՞նչ եմ հարցնում Մըսրայ թագաւոր.  
Մըսրայ թագաւոր թող Մըսրը կենայ,  
Իմ հօր սարերում ի՞նչ գործ ունի նա...  
Վեր կաց, հօրեղբայր, նեա-աղեղդ առ,  
Կապարճըդ կապիր, գընանք որսասար:  
Ելաւ Օհանը ճարը կըտըրւած,  
Գընացին տեսան՝ էլ ի՞նչ որսասար.  
Անտաղը ջարդած, պարխազն աւերած,  
Բուրգերը արած գեանին հաւասար...

### XI.

Գիշերը հասաւ, մընացին էնտեղ:

Ձէնով Օհանն էր, իր նեան ու աղեղ  
Դըրաւ գլխի տակ, հանգիստ խըռմփաց:  
Դաւիթը մընաց մըտքի ծովն ընկած:

Մին էլ նկատեց, որ մութը հեռում  
Մի թէժ, փայլփլուն կըրակ է վառում:  
էն լուսը բըռնած՝

Վեր կացաւ, գընաց,  
Գընաց ու գընաց, բարձրացաւ մի սար,  
Բարձրացաւ, տեսաւ մի մեծ մարմար քար  
Կիսից պատըռած,

Ու միջից վառած  
Բըխում է լուսը պարզ, քուլա-քուլան,  
Բարձրանում, իջնում ետ քարի վըրա:  
Վար իջաւ Դաւիթ էստեղից կըրկին,  
Վար իջաւ, կանչեց Ձէնով Օհանին:

—Ե՛լ, հօրեղբայր, քանի՞ քընես,  
Ե՛լ, էն պայծառ լուսը մի տես:  
Լուս է իջել բարձըր սարին,

Բարձըր սարին, մարմար քարին:  
Ե՛լ, հօրեղբայր, անուշ քընից.  
էն ի՞նչ լուս է բըխում քարից:

Ելաւ, խաչ քաշեց Օհանն երեսին.  
—Է՛յ, որդի, ասաւ, մեռնեմ իր լուսին,  
էն մեր Մարութայ սարն է զօրաւոր:  
էն լուսի տեղը կանգնած էր մի օր  
Սասմայ ապաւէն, Սասմայ պահապան  
Մեր սուրբ Տիրամօր վանքը Չայխափան:  
Մըշտական, երբ որ կըռիւ էր գընում,  
էնտեղ էր քու հէրն իր աղօթքն անում:  
Քու հերը մեռաւ, Ասաւած խըռովեց,

Մըսրայ թագաւոր զօրքեր ժողովեց,  
Մեր վանքն էլ եկաւ քանդեց էն սարում,  
Բայց դեռ սեղանից լուս է բարձրանում...

## XII

Դաւիթը էս էլ երբ որ իմացաւ,  
—Անուշ հօրեղբայր, հօրեղբայր, ասաւ,  
Որբ եմ ու անտէր աշխաբքի վըրա,  
Հէր չունեմ՝ զու ինձ հէրութիւն արն:  
էլ չեմ իջնի ես Մարութայ սարից,  
Մինչև չըշինեմ մեր վանքը նորից:  
Քեզանից կուզեմ հինգհարիւր վարպետ,  
Հինգհազար բանւոր մըշակ նըրանց հետ,  
Որ գան՝ էս շարաթ կանգնեն ու բանեն,  
Առաջւան կարգով մեր վանքը շինեն:  
Գընաց Օհանը ու բերաւ իր հետ  
Հինգ հազար բանւոր, հինգհարիւր վարպետ:  
Վարպետ ու բանւոր եկան կանգնեցին,  
Չըրը՛խկ հա թըրը՛խկ, նորից շինեցին,  
Առաջւան կարգով, փառքով փառաւոր  
Բարձըր Մարութայ վանքը Տիրամօր:  
Յըրած միարանք ետ նորից եկան,  
Նորից թընդացին աղօթք, շարական.  
Ու երբ շէն արաւ հօր վանքը նորից,  
Յած իջաւ Դաւիթ Մարութայ սարից:

## XIII.

Համբաւը տարան Մըսրայ Մեղիքին.

—Հապսն չես ասիլ՝ Դաւիթը կըրկին  
Հօր վանքը շինել, իշխան է դառել,  
Դու օխտը տարւան խարջը չես անել:

Մեկիք զայրացաւ.

—Գընացէք, ասաւ,  
Բաղին, Կողբաղին,  
Սիւղին, Չարխաղին,  
Սասմայ քար ու հող տակն ու վեր արէք,  
Իմ օխտը տարւան խարաջը բերէք:  
Քառսուն կոյս աղջիկ բերէք արմաղան,  
Քառսուն կարճ կընիկ, որ երկանք աղան,  
Քառսունն էլ երկար, որ ուղտեր բառնան,  
Իմ տանն ու դըռան դարաւաշ \*) դառնան:

Ու Կողբաղին առաւ զօրքեր.

—Գըլխիս վըրա, ասաւ, իմ տէր.  
Գընամ հիմի քանդեմ Սասուն,  
Կանայք բերեմ քառսուն-քառսուն,  
Քառսուն բեռնով դեղին ոսկի,  
Տեղը ջընջեմ Հայոց ազգի:

Ասաւ, Մըսրայ աղջիկ ու կին  
Պար բոնեցին ու կրգեցին.

—Մեր Կողբաղին գընաց Սասուն,  
Կանայք բերի քառսուն-քառսուն,  
Քառսուն բեռնով ոսկի բերի,  
Մեր ճակատին շարան շարի,  
Կարմիր կովեր բերի կըթան՝

Գարնան շինենք եղ ու չորթան:  
Ջան Կողբաղին, քաջ Կողբաղին,  
Սասմայ Դաւթին զարկեց գետին:

\*) Աղախին:

Ու Կողբաղին վըքւած, ուռած,  
—Շնորհակալ եմ, քոյրեր, գոռաց,  
Մինչև գալըս դեռ համբերէք,  
էն ժամանակ պիտի պարէք...

XIV.

Էսպէս երգով,

Չօռով-զօրքով

Դու Կողբաղին մըտաւ Սասուն.

Օհան լըսեց՝ կապեց լեզուն:

Աղ ու հացով,

Լաց ու թացով

Առաջն ելաւ,

Խընդիրք արաւ.

—Ինչ որ կուզես՝ առ, տնր, աման.  
Վարդ աղջիկներ, կանայք Սասման,  
Դառը դադած դեղին ոսկին,  
Միայն թէ գըթա մեր խեղճ ազգին,  
Մի կոտորիր, մի տար մահու,  
Վերև՝ Աստուած, ներքևը՝ դու...

Ասաւ, բերաւ շարան-շարան  
Վարդ աղջիկներ, կանայք Սասման:  
Ու Կողբաղին կանգնեց, ջոկեց,  
Մարագն արաւ, դուռը փակեց,  
Քառսուն կոյս աղջիկ, սիրուն, արմաղան,  
Քառսուն կարճ կընիկ, որ երկանք աղան,  
Քառսուն էլ երկար, որ ուղտեր բառնան,  
Մըսրայ Մեկիքին դարաւաշ դառնան:  
Դեզ-դէզ կիտեց դեղին ոսկին.

1001  
1678

Հէյ, սէր ես, Դաւիթ, Հայոց պահապան, —  
 Բարը պատըռուի—գնւրս արի մէյդան:  
 Քանդած հօր վանքը որ շինեց նորից,  
 Յած իջաւ Դաւիթ Մարութայ սարից,  
 Ժանդոտած, անկոթ մի շեղբիկ զըտաւ,  
 Դընաց՝ պառաւի շաղգամը՝ մըրաւ:  
 Պառաւն էր. եկաւ՝ անէճք, ազազմիկ.  
 —Վնչ, խելսն Դաւիթ, շաղգամի տեղակ  
 Դու կըրակ ուտես, ցաւ ուտես, ասաւ,  
 Քու աչքն աշխարքում մննակ ինձ տեսաւ.  
 Կորեկըս արիբ գետնին հաւասար,  
 Էս էր մընացել ճըմեռուան պաշար,  
 Էս էլ կըտրում ես,  
 Էլ սնց ապրեմ ես:  
 Թէ կըտրիճ ես դու, աղեղգ սոս, զընն,  
 Քու հօր աշխարքին տիրութիւն արն,  
 Քու հօր գանձը կեր,  
 Թողել ես անտէր,  
 Մըսրայ թագաւոր զըրկել է՝ տանի:  
 —Էլ ինչ ես վըրէս բարկանում, նանի.  
 Էգ ինչ ես ասում, ես չեմ հասկանում,  
 Մըսրայ թագաւոր մեր ինչն է տանում:  
 —Մըսրայ թագաւոր մեր ինչն է տանում...  
 Մըսրայ թագաւոր քու աչքն է հանում,  
 Դանդալօշ Դաւիթ. զըրկել է հըրէն,  
 Եկել են Սասմայ քաղաքի վըրէն

Բագին, Կողբաղին,  
 Սիւղին, Չարխաղին,  
 Թալան են տալի բովանդակ Սասում.  
 Քառսուն բես ոսկի խարաջ են ուզում,  
 Քառսուն կոյս ազջիկ սիրուն, արմաղան,  
 Քառսուն կարճ կընիկ, որ երկանք աղան,  
 Քառսուն էլ երկար, որ ուզտեր բանան,  
 Մըսրայ Մելիքին զարաւաշ զանան:  
 —Ի՞նչ ես, այ պօռաւ, էլ ինձ անիծում.  
 Յոյց սուր ինձ հապա—սրտեղ են ուզում:  
 —Ո՛րտեղ են ուզում... Մահըս տանի քեզ.  
 Դնւ պէտք է էն հօր զաւակը լինես...  
 Եկել ես՝ էստեղ շաղգամ ես լափում...  
 Ոսկին Կողբաղին ձեր տանն է չափում,  
 Աղջիկներ փըլեկ մարագն են լըցրած:  
 Շաղգամը թողեց Դաւիթ ու զընաց:  
 Տեսաւ՝ Կողբաղին իրենց տան միջին  
 Չափում է ոսկին թեղած առաջին,  
 Սիւղին, Չարխաղին պարկերն են բըռնել,  
 Ձէնով Օհանն էլ շըլինքը ծըռել,  
 Կանգնել է հետու, ձեռները ծոցին:  
 Տեսաւ, աչքերը արնով լըցեցին:  
 —Վեր կաց, Կողբաղին, հետն կանգնիր դու,  
 Իմ հօր ոսկին է—ես եմ չափելու:  
 —Կողբաղին ասաւ.—է՛յ, Ձէնով Օհան,  
 Կըտաս—տնւր խարջը էս օխտը տարւան,  
 Թէ չէ՛ կը զընամ, արեւս վըկայ,  
 Մըսրա-Մելիքին կը պամմիմ, կը գայ,  
 Ձեր Սասմայ երկիր քար ու քանդ կանի,  
 Տեղը կը վարի, բօտան կը ցանի:

—Կորէք, անզգամ դուք Մըսրայ շըներ,  
Բա չէք իմացել դուք Սասմայ ծըռեր...  
Մեռած էք կարծում դուք մեզ, թէ՞ շըւարք,  
Կուզէք մեր երկիր դընէք խարջի տակ...

Բարկացաւ Դաւիթ, չափը շարժբուսեց,  
Տըւաւ Կողբաղնի գըլուխը շարդեց,  
Չափի փըշրանքը պասն անցաւ, գընաց,  
Մինչև օրս էլ դեռ գընում է թըռած:  
Ու ելան՝ թափած ոսկին թողեցին,  
Հայոց աշխարքից փախան գընացին  
Բաղին, Կողբաղին,  
Սիւղին, Չարխաղին:

XVI

—Վայ. վայ, հօրեղբայր, ինչ ասեմ ես քեզ.  
Մենք ունենք էտեղ գեղին ոսկու դէզ,  
Դու արել ես ինձ քաղաքի ծառան,  
Դու թողել ես ինձ օտարի գըռան...

Հօրեղբայրն ասաւ.—Մ, խենթ, խելագար,  
Ոսկին պահել եմ Մելիքի համար,  
Որ քաղցըր լինի աչքը մեզ վըրայ:  
Չըտըւիր, հիմի որ զօրք առնի՞ գայ,  
Սասմայ քար ու հող հեղեղի, տանի,  
Ո՞վ դէժը կերթայ, ո՞վ կըռիւ կանի:  
—Դու կնոց, հօրեղբայր, թող գայ, ես կերթամ,  
Կերթամ, ես նըրան պատասխան կըտամ:

Ու մութ մարագի գըռանը զարկեց,  
Փակած աղջիկներ հանեց, արծակեց:  
—Գընացէք, ասաւ, ազատ ապրեցէք:

Սասունցի Դաւիթն արև խընդրեցէք:

XVII

Էսպէս շարդեած, արիւնլըւայ  
Փախան, ընկան հողը Մըսրայ  
Բաղին, Կողբաղին,  
Սիւղին, Չարխաղին:  
Մըսրայ կանայք հեռից տեսան,  
Հեռից տեսան, ուբախացան  
Ու ծափ տըւին կըտերներին.  
—Եկան, եկան, բերին, բերին...

Մեր Կողբաղին գնաց Սասուն,  
Կանայք բերաւ քառսուն-քառսուն,  
Կարմիր կովեր բերաւ կըթան՝  
Գարնան շինենք եզ ու չորթան...

Հէնց մօտեցան, նըկատեցին,  
Ծափ ու խընդում ընդհատեցին,  
Գըբըջացին  
Ու կանչեցին.

—Է՛յ, Կողբաղին մեծարեբան,  
Էզ ո՞րտեղից լերան-լերան,  
Լերան-լերան կըգաս փախած,  
Հաստ գըլուխըզ կիտից ճըղած:  
Էն դժու չասիր՝ գընամ Սասուն,  
Կանայք բերեմ քառսուն-քառսուն,  
Քառսուն բեռնով ոսկի հանեմ,  
Հայոց երկիր աւեր անեմ:  
Դացիր Սասուն քանց դէլ գազան,  
Ետ ես գալի բանց շուն վազան...

Ու Կողբաղին խիստ բարկացաւ.  
—Սնւ կացէք դուք, լըրբեր, ասաւ.  
Ձեր մարդիկն էք տեսել դուք զեռ,  
Դուք չէք տեսել Սասմայ ծըրեր:  
Սասմայ ծըրեր լերան-լերան,  
Նետեր ունեն մի-մի գերան.  
Սասմայ երկիր քար ու կապան,  
Դըժար սարեր, ձոր ու ծաղան.  
Նըրանց խոտեր—ինչպէս կեռ թուր,  
Զօրք ջարդեցին երեք հարիւր...

Ասաւ ու էլ շառաւ դադար,  
Վըռազ-վըռազ, գըլխապատառ  
Վազեց իրեն թագաւորին:  
Խընդաց թագաւորն իր աթոռին:  
—Ապրես, ապրես, քաջ Կողբաղին,  
Արժէ՞ կախեմ ես քու ճըտին  
Մեր գուզուունի\*) մեծ նըշանը—  
Պարզե քու մեծ յաղթութեանը:  
Ո՞ւր են, հապա առաջըս բեր  
Սասմայ ոսկին ու աղջիկներ:

Ասաւ Մեղիք, ու Կողբաղին  
Գըլուխ աըլաւ մինչև գետին.  
—Ապրած կենաս, մեծ թագաւոր,  
Զօռով փախայ ես ձիաւոր,  
Ո՞նց բերէի Սասմայ ոսկին:  
Մի խենթ ծընեց Հայոց ազգին,  
Ոչ աճ գիտի, ոչ աէք ու մեծ,  
Գըլուխ էսպէս աըլաւ, ջարդեց.  
«Ձեմ տալ, ասաւ, իմ հօր ոսկին,

\*) Արժիւ:

Ձեմ տալ կանայքն իմ հայ ազգին,  
Սասմայ երկիր ձեզ տեղ չըկայ...  
Գու թագաւոր, ասաւ, թող դայ,  
Թող գայ՝ ինձ հետ կըռիւ անի,  
Թէ գոչաղ է՞ գօռով տանի»:

Կատարեց, փըրփրեց Մըսրայ թագաւոր.  
—Կանչեցէք, ասաւ, իմ զօրքը բոլոր.  
Հագար հագար մարդ նորեղուկ մանուկ,  
Հագար հագար մարդ անբիխ, անմօրուք,  
Հագար հագար մարդ բեխը նոր ծըլած,  
Հագար հագար մարդ նոր թախտից ելած,  
Հագար հագար մարդ թուխ միրուքաւոր,  
Հագար հագար մարդ սիպտակ ալեոր,  
Հագար հագար մարդ, որ փողեր հընչեն,  
Հագար հագար մարդ, որ թըմբուկ զարկեն...  
Կանչեցէք, թող գան, հագանն զէ՞նք, զըրան,  
Կըռիւ տի\*) զընամ ես Դաւթի վըրս,  
Սասունն աւերեմ,  
Հեղեղեմ, բերեմ:

### XVIII.

Էսպէս անհամար զօրքեր հաւարեց,  
Եկաւ Սասմայ դաշտ, բանակը զարկեց  
Ու ծանըր նըստեց Մըսրայ թագաւոր:  
Էնքան տհազին բազմութիւնն էն օր  
Բաթմանայ ջըրին եկաւ ու չօքեց,  
Ով եկաւ, խըմեց—գետը ցամաքեց,  
Սասմայ քաղաքում մընացին ծարու:

\*) Պիտի:

Ձէնով Օհանին զարմանքը տարաւ:  
Գուրքը ուն առաւ, սարը բարձրացաւ.  
Սարը բարձրացաւ, տեսաւ, ի՛նչ տեսաւ:  
Ճերմակ վըրանից դաշտը ճերմակել,  
Ասես՝ էն գիշեր ձըմեռը եկել,  
Սպիտակ ձիւնով պատել էր Սասուն:  
Լեզին ջուր կտրեց, կապ ընկաւ չեղուն,  
Հարսն կանչելով՝ փախաւ, տուն ընկաւ.  
—Վայ, փախէ՛ք, եկան... հայ, հարսն, եկաւ...  
—Ի՞նչը, հօրեղբայր, ի՞նչը, ի՞նչն եկաւ...  
—Ցաւն ու կըրանկը Դաւթի պինչն եկաւ:  
Մըսրայ թագաւոր ելել է, եկել,  
Եկել, մեր դաշտին բանակ է զարկել.  
Թիւ կայ աստղերին, թիւ չկայ գօրքին...  
Վայ մեր արեին, վայ մեր աշխարքին...  
Ե՛կ, ոսկին տանենք, աղջիկներ տանենք,  
Ձօքենք առաջին, պաղատանք անենք,  
Գուցէ թէ գըթայ,  
Մեզ սըրի չըտայ...  
—Դու կանց, հօրեղբայր, դու դարդ մի՛ անիր.  
Գընա, քու օդում դու հանգիստ քընիր.  
Հիմի ես կեչնեմ, Սասմայ դաշտ կերթամ,  
Մըսրա-Մելիքին պատասխան կըտամ:  
Ու գընաց Դաւիթ ծանօթ պառաւին.  
—Նանի ջան, ասաւ, ժանգոտած ու հին  
Երկաթի կըտոր, անթարոց, շամփուր,  
Ինչ ունես չունես՝ հաւաքի՛ր, ինձ տուր,  
Մի էշ էլ գըտիր, որ վըրէն նըստեմ,  
Կըռիւ տի գընամ Մըսրայ գօրքի դէմ:  
—Վայ, Դաւիթ, ասաւ, մահն տանի քեզ.

Դ՞հա պէտք է էն հօր դաւակը լինի՞ս...  
Գու հէրն ունէր կըռուի համար  
Հըրեղէն ձի, ոսկի քամար,  
Ձըրահ շապիկ, կապէն հագի,  
Աջ թւին խաչ պատարագի,  
Կուռ սաղաւարտ, Կայծակի-թուր,  
Իսկ դու կուզես էշ ու շամփուր...  
—Աման, նանի, չեմ լըսել դեռ:  
Ո՛ւր են հիմի իմ հօր զէնքեր:  
—Հօրեղբօրըդ գընա հարցուր.  
Ո՛ւր են, ասա, հանիր, բեր, տուր:  
Բան է, թէ որ չըտայ սիրով,  
Աչքը հանիր՝ խըլիբ գօռով:

## XIX.

Դաւիթ գընաց հօրեղբօր մօտ.  
—Է՛յ հօրեղբայր, կանչեց հերսոտ,  
Իմ հէրն ունէր կըռուի համար  
Հըրեղէն ձի, ոսկի քամար,  
Ձրահ շապիկ, կապէն հագի,  
Աջ թւին խաչ պատարագի,  
Կուռ սաղաւարտ, Կայծակի-թուր.  
Կըտաս՝ բեր տուր...  
—Վայ, Դաւիթ ջան,  
Ահից գոռաց Ձէնով Օհան.  
Գու հօր մահւան սարուց—օրից  
Դուրս չեմ հանել ձին ախոռից,  
Ոչ սընդուկից թուր-Կայծակին,  
Ձըրահ շապիկ, ոսկի գօռին...

Ինձ թող, աման, մի սպանիր,  
Կուզես—հըրէն, գընա հանիր:

XX.

Հազաւ Դաւիթ զէնքն ու զըրան,  
Կապեց գօաին, Թուր-Կայծակին,  
Սաչն էլ իր յազթ բազկի վըրա,  
Ելաւ, հեծաւ Առիւծ հօր ձին,  
Հօր ձին հեծաւ ու մըտրակեց.  
Ձէնով Օհան լալով երգեց.

—Ափսոս, հազար ափսոս հըրեղէն մեր ձին,  
Ա՛խ, հըրեղէն մեր ձին.

Ափսոս, հազար ափսոս մեր ոսկի գօաին,  
Ա՛խ, մեր ոսկի գօաին.

Ափսոս, թանկ կապէն, որ հազին տարաւ,  
Ա՛խ, որ հազին տարաւ...

Դաւիթ բարկացաւ,  
Ձին քշեց, դարձաւ,  
Օհանը վախեց,  
Իր երգը փոխեց.

«Ափսոս, նորեղուկ Դաւիթըս կորաւ,  
Ա՛խ, Դաւիթըս կորաւ:»

էս որ իմացաւ,  
Դաւիթ մեղմացաւ,  
Իջաւ, Օհանի ձեռքը համբուրեց:  
Ձէնով Օհանն էլ, ինչպէս հայր ու մեծ,  
Օրհնեց, խըրատեց նըրան հայրարար,  
Իէպի Սասմայ դաշտ զըրաւ ճանապարհ:

Սասունցի Դաւիթն ունէր մի քեօի,  
Անունը Թորոս, ահեղ աժդահա:  
Սա էլ իմացաւ համբաւը կըռւի,  
Մի բարդի ուսին գալիս է ահա:  
Դալիս է հեռից բարձըր գոռալով.  
—Ի՛նչ էք վէր եկել էս դաշտի միջում,  
Քանի զըլխանի մարդիկ էք կամ ո՛վ,  
Սասունցի Դաւիթին որ չէք ճանաչում...  
Բա չէք իմանում, որ էստեղ է նա  
Դալու՝ խաղացնի իր ձին թեւաւոր.  
Չըբեկեցէք, հիմի ուր որ է՝ կըզայ,  
Եկել եմ սըրբեմ մէյդանը էսօր:

Ասաւ ու քաշեց իր ուսի բարդին,  
Սըրբեց բանակից մի քըսան վըրան...  
Դաւիթն էլ ահա սարի գաղաթին  
Կանգնած՝ գոռում է վիշապի նըման.

—Ով քնած էք՝ արթուն կացէք,  
Ով արթուն էք՝ ելէք, կեցէք,  
Ով կեցել էք՝ զէնք կապեցէք,  
Ձէնք էք կապել՝ ձի թամբեցէք,  
Ձի էք թամբել՝ ելէք. հեծէք.  
Յետոյ չստէք՝, թէ մենք քընած—  
Դաւիթ գող-գող եկաւ, գընաց...  
էսպէս կանչեց, ասպանդակեց,  
Ու, ինչ ամպից կայծակ զարկի,



Մըսրայ զօրքի մէջ տեղ գարկեց,  
Շողացնելով Թուր-Կայծակին:

Ջարդեց, փշըրեց մինչև կէսօր.  
Կէսօր արինն ելաւ հեղեղ,  
Քըշեց, տարաւ հազարաւոր  
Մարդ ու դիակ ողջ միասեղ:

Կար զօրքի մէջ մի ալևոր,  
Աշխարք տեսած ու բանագէտ.  
—Տըղերք, ասաւ, ճամբայ տըւէք,  
Գընամ խօսեմ ես Դաւթի հետ:

Գընաց՝ կանգնեց Դաւթի առաջ,  
Էսպէս խօսեց էն ծերունին.  
—Դալար կենն, կուռըդ, սվ քաջ,  
Սուրըդ կըտրուկ միշտ քու ձեռին:

Մի ծերունուս խօսքին մըտիկ,  
Տես, քու խելքը ինչ է կըտրում:  
Ի՞նչ են արել քեզ էս մարդիկ,  
Հէ՞ր ես սըբանց դու կոտորում:

Ամեն մինը մի մօր ոըղի,  
Ամեն մինը մի տան ճըբազ,  
Որը կինն է թողել էստեղ  
Աչքը ճամբին, խեղճ ու կըրակ,

Որը մի տուն լիք մանուկներ,  
Որը ծընող աղքատ ու ծեր,  
Որը լացով, քօղն երեսին  
Նորապըսակ ջահիլ հարսին...

Թագաւորը դօռով-թըրով  
Հաւաքել է, էստեղ բերել:  
Խեղճ մարդիկ ենք՝ պակաս օրով,  
Մենք քեզ վընաս ի՞նչ ենք արել:

Թագաւորն է քու թըշնամին,  
Կըռիւ ունես—իր հետ արա,  
Հէ՞ր ես քաշում Թուր-Կայծակին  
էս անճարակ խալխի վըրա:

—Լաւ ես ասում դու, ծերունի,  
Ասաւ Դաւթին ալևորին,  
Բայց թագաւորն ո՞ւր է հիմի,  
Որ սև կապեմ նըրա օրին:

—Մեծ վըրանում քընած է նա,  
է՛ն, որ միջից ծուխը կելնի.  
էն ծուխն էլ հօ ծուխ չի որ կայ,  
Գողորշին է իր բերանի:

Ասին. դէպի մեծ վըրանը  
Ասպանդակեց Դաւթին իր ձին,  
Քըշեց, գընաց ու գըռանը  
Գոռաց կանգնած արարներին.

—Ո՞ւր է, ասաւ, ի՞նչ է կըրել,  
Դուրս կանչեցէք, գայ ասպարէզ,  
Թէ մահ չունի՝ մահ եմ բերել,  
Գըրող չունի՝ գըրողն եմ ես...

—Միլիքն, ասին, քուն է մըտել,  
Օխտը օրով պէտք է քընի,

Երեք օրն է դեռ անցկացել,  
Զորս օր էլ կայ, քունը առնի:

—Ի՞նչ, բերել է աղքատ ու խեղճ  
Խալխին լըցրել ծոփն արևնի,  
Ինքը մըտել վըբանի մէջ՝  
Օխաը օրով հանգիստ քընի՞ր...

Քընել-մընել չեմ հասկանում,  
Վեր կացրէք շո՛ւտ, դուրս գայ մէյդան,  
Էնպէս դըբան ես քընացնեմ,  
Որ չը վարթնի էլ յաւիտեան:

Ելան՝ մարդիկ ճարահատուած  
Շամփուր դըբին թէժ կըբակին  
Ու վարկեցին խոր մըբափած  
Մըբա-Մելքի բաց կըբնկին:

—Օ՛ֆ, էլ հանգիստ քուն չունի մարդ  
էս անիծւած լըւի ձեռից,  
Խոր մըբընչաց հըսկան հանդարտ  
Ու շուռ եկաւ, քընեց նորից:

Ելան, բերին մեծ գութանի  
Խովը՝ դըբին թէժ կըբակին,  
Ու կաս-կարմիր, կէծկըծալի,  
Շիկնած տըւին մերկ թիկունքին:

—Օ՛ֆ, էլ հանգիստ քուն չունի մարդ  
էս անիրաւ մոծակներից,  
Աչքը բացաւ հըսկան հանգարտ,  
Ուզում էր ետ քընել նորից,

Տեսա՛ Դաւթին: Գլուխն անկող  
Վեր բարձրացրեց մըբընչալով,  
Փըչեց վըբէն, որ թըպընի  
էն սօղընին մի փըչելով:

Տեսաւ, տեղից ժած չի գալի,  
Զարմանքն ու ան պատեց հողին:  
Արնոտ աչքերն ըսպառնալի  
Յատեց խոժոռ Դաւթի աչքին:

Նայեց թէ չէ, զգաց՝ իր մէջ  
Տասը գոժի ուժ պակասեց:  
Պառկած տեղից վրա նստեց  
Ու ժպտալով հեաը խօսեց.

—Բարձր, Դաւթ, յոգնած ես դեռ.  
Ե՛կ, մի նստի՛ր, խօսենք կարգին,  
Յետոյ դարձեալ կըբուր կանենք,  
Եթէ կըբուր կուզես կըբկին...

Իր վըբանում բըռնակալը  
Քառսուն գազ խոր հոր էր փորել,  
Յանցով փակել մութ բերանը,  
Վըբէն փափուկ խալի փըռել:

Ու՛մ որ յաղթել չէր կարենում,  
Շողմնելով կանչում էր նա,  
Նըստեցնում էր իր վըբանում  
էն կորստեան հորի վըբա:

Իջաւ Դաւթի՞ ձիուցը ցած,  
Դընաց, նըստեց... ընկաւ հորը:

—Հն, հն, հն, հն, քահ-քահ խընդաց  
Մըսրայ դաժան թագաւորը:

—Դէ, թող հիմի գընա՛ խաւար  
Հորում փըթի, էնքան մընայ:  
Ու ահագին մի ջաղացքար  
Բերաւ, գըրաւ հորի վըրա:

## XXII

Գընեց էն գիշեր Ձէսով Օհանը:  
Գիշերն երազում երևաց ծերին՝  
Մըսրայ երկընքում արև ճառագած,  
Սև ամպ էր պատել Սասմայ սարերին:

Սաստիկ վախեցած վեր թըռաւ տեղից:  
—Վնյ, կընիկ, ասաւ, մի ճըրագ արն,  
Գընաց մեր անփորձ Դաւիթը ձեռից,  
Սև ամպ էր իջել Սասունի վըրա:

—Հողէմ գըլուխդ, ասաւ կընիկը,  
Ո՛վ գիտի՛ Դաւիթն ո՛ւր է քէֆ անում...  
Դու էլ քեզ համար քու տանը քընած՝  
Ուրիշի համար երազ ես տեսնում:

Գընեց Օհանը: Վերկացաւ դարձեալ.  
—Կընիկ, Դաւիթը նեղ տեղն է ընկած.  
Մըսրայ վառ աստղը շողում էր պայծառ,  
Մեր աստղը հիւանդ ցոլքում դալկացած:

—Ի՞նչ եղաւ քեզ, մնրդ, գիշերւան կիսին.  
Բարկացաւ վըրէն կընիկն աղմուկով:

Խաչ քաշեց էլ ետ Օհանն երեսին,  
Շուռ եկաւ, քընեց խրոփած հոգով:

Մի ուրիշ պատկեր աւելի ահեղ  
Տեսաւ՝ երկընքի բարձըր կամարում  
Վառում էր Մըսրայ աստղը փառահեղ,  
Սասմայ աստղիկը սուզեց խաւարում:

Չարթնեց վախեցած:—Տունըդ քանդուի, կին,  
Ես ո՞նց լըսեցի քու էդ կարճ խելքին.  
Կորաւ մեն մենակ մեր ջահիլն անտէր.  
Վեր կաց, շուտ արա, գէնքերըս մի ընր...

## XXIII

Ելաւ Օհան, գոմը մըտաւ,  
Չարկեց ճերմակ ձիւ մէջքին.  
—Է՛յ, ճերմակ ձի, մինչ երբ, ասաւ,  
Կըհասցընես Դաւիթի կըուին:

«Մինչև լուս կըհասցնեմ».  
Ու ձին տըլաւ փորը գետին.  
—Մէջքդ կոտրի, լուսն ի՞նչ անեմ.  
Լաշին հասնեմ ես թէ՞ նաշին:

Կարմիր ձիւ մէջքին դարկեց.  
Սա էլ երես փորը գետին:  
—Ձան կարմիր ձի, մինչ երբ դու ինձ  
Կըհասցընես Դաւիթի կըուին:

«Մի ժամի մէջ, կարմիրն ասաւ,  
Կըհասցընեմ Դաւիթի կըուին»:

—Լիզի դառնայ, սև մահ ու ցաւ,  
Ինչ արեւի եմ քեզ՝ էն գարին:

Հերթը եկաւ սեխն հասաւ.  
Գեաթին չեքեա փորը սև ձին:  
—է՛յ, ջան Սևուկ, մինչ երբ, ասաւ,  
Կըհասցընես Դաւթի կըռւին:

«Եթէ ամուր մէջքիս մընաս,  
Ոտըդ գընես ասպանդակին,  
Մինչև մէկէլ ոտըդ շուռ տաս,  
Կըհասցընեմ», ասաւ սև ձին:

#### XXIV

Սև ձին քաշեց ձէնով Օհան,  
Ջախը գըրաւ ասպանդակին,  
Աջն էլ մինչև շուռ տար վըրան,  
Կանգնեց Սասմայ սարի գըլխին:

Տեսաւ՝ Դաւթի նըժոյգն անտէր  
Սարերն ընկած խըրխընջալով,  
Ներքև Մըստայ գօրքը չոքած,  
Ինչպէս անծայր ծըփուն մի ծով:

Օխտը գոմշի կաշի հագաւ,  
Որ չըպատի իրեն գօսից,  
Կանգնեց Օհան, ամպի նըման  
Գոռայ Սասմայ սարի ձէրից:

—Հէյ-հէյ Դաւթ, սրտեղ ես գու.

Յիշի՛ր խաչը պատարագի,  
Սուրբ Տիրամօր անունը աճուր;  
Լճաը դուրս եկ արեգակի:

Ձէնը գընայ, գըմրդըմրալով՝  
Դաւթի ականջն ընկաւ հորում.  
—Հնյ-հնյ, ասաւ, հօրեղբայրս է,  
Սասմայ սարից ինձ է գոռում:

Ո՛վ Մարութայ Ասուածածին,  
Ո՛վ անմահ խաչ պատարագի,  
Ձեզ եմ կանչել, —հասէք Դաւթին...  
Կանչեց, տեղից կանգնեց ոտքի,

էնպէս դարկեց ջաղացքարին՝  
Գարը եղաւ հազար կըտոր,  
Կըտորները երկինք թըռան,  
Ու գնում են մինչև էսօր:

Ելաւ հորից, կանգնեց անեղ:  
Մարտափ կալաւ դև Միլիքին:  
—Դաւիթ ախպէր, եկ դեռ էստեղ,  
Սեղան նըստե՛նք, խօսե՛նք կարգին...

—էլ չեմ նըստիլ ես քու հացին,  
Դու տըմարդի, վախկոտ ու նենգ.  
Շնուտ, գէնքըդ առ, հեծիր քու ձին,  
Դուրս եկ մէյդան, կըռիւ անենք:

—Կըռիւ անենք, ասաւ Միլիք,

Ի՞նչ է միայն զարկն առաջին:  
—Քոնն է, զարկեր, կանչեց Դաւիթ  
Գրնաց, կեցաւ զաշտի միջին:

Ելաւ, կանգնեց Մըսրա-Մելիք,  
Իր գուրդն առաւ, հեծաւ իր ձին,  
Քըշեց, զընաց մինչ Դիարբեքեր  
Ու էնտեղից եկաւ կըրկին:

Երեք հազար լիզր էր քաշում  
Հըսկայական իր մըկունդը. \*)  
Եկաւ, զարկեց, կորաւ փոշում  
Ու երեքաց երկրի գունդը:

Երկիր քանդեց կամ ժափք եղաւ  
Ասին մարդիկ շատ աշխարքում:  
—Չէ, ասացին, արնի ծարաւ  
Հըսկաներն են իրար զարկում:

—Մեռաւ Դաւիթ էս մի զարկից,  
Ասաւ Մելիք իրեն զօրքին:  
—Կենդանի եմ, ամպի տակից  
Գոռաց Դաւիթ Մըսրա-Մելքին:

—Հնյ-հնյ, մօտիկ տեղից եկայ,  
Տես, սրտեղից հիմի կըգամ:  
Ու վերկացաւ, կանգնեց հըսկան,  
Իր ձին հեծաւ երկրորդ անգամ:

\*) Գորդ.

Երկրորդ անգամ քըշեց Հալար  
Ու բաց թողեց ձին Հալարից.  
Բուք վերկացաւ, տեղ ու տարափ,  
Արար աշխարհ զողաց թափից:

Եկաւ, զարկեց, զարկի ձէնից  
Մօտիկ մարդիկ ողջ խըլացան:  
—Գրնաց Դաւիթ Սասմայ տանից,  
Գուժեց զոռոզ Մըսրայ արքան:

—Կենդանի եմ, կանչեց Դաւիթ,  
Մին էլ արի—հերթն ինձ հասաւ:  
—Հնյ-հնյ, մօտիկ տեղից եկայ,  
Կանչեց Մելիք ու վերկացաւ:

Երրորդ անգամ հեծաւ իր ձին,  
Գրնաց մինչև հողը Մըսրայ,  
Ու էնտեղից, գուրդը ձեռին  
Քըշեց, եկաւ Դաւիթի վըրա:

Եկաւ, զարկեց բոլոր ուժով,  
Ծանըր զարկով հըսկայական.  
Փոշին ելաւ Սասմայ զաշտից,  
Բըռնեց երեսն արեգական:

Երեք գիշեր ու երեք օր  
Փոշին կանգնեց ամպի նըման,  
Երեք գիշեր ու երեք օր  
Բօթը տըւին Դաւիթի մահաւան:

Երբ որ անցաւ երեք օրը,  
Էն ամպի պէս կանգնած փոշում

Կանգնեց Դաւիթ, ինչպէս սարը,  
Գըրգուռ սարը մէզ-մըշուշուս:

—Մեղիք, ասաւ, սուսն է հերթը:  
Սարսափ կալաւ գոռ Մեղիքին,  
Մահեան զողը ընկաւ սիրտը  
Ու տապ արաւ գոռոզ հոգին:

Գընաց, խորունկ մի հոր փորեց,  
Իջաւ, մըտաւ վիհն էն խաւար,  
Վըրէն քաշեց քառասուն կաշի  
Ու քառասուն ջաղացի բար:

Մըռնչալով ելաւ տեղից  
էն առիւծի առիւծ որդին,  
Իր ձին հեծաւ ու փոթորկեց,  
Խաղաց, շողաց Թուր-Կայծակին:

Առաջ վազեց մագերն արծակ  
Մեղքի պառաւ մայրը ջաղու:  
—Դաւիթ, մագըս սոս որդի տակ,  
էդ մի զարկը ինձ բաշխիր դու:

Երկրորդ անգամ Թուրը բաշեց.  
էս անգամ էլ եկաւ քուրը.  
—Դաւիթ, եթէ կուզես, կանչեց,  
Իմ սըրտին զանրկ երկրորդ Թուրը...

Վերջին զարկի ժամը հասաւ,  
Ելաւ Դաւիթ երրորդ անգամ.  
—էս մի զարկն ու Ասուած, ասաւ,  
էլ մարդ չըզայ, պէտք է որ տամ:

Ասաւ, ելաւ ու փոթորկեց,  
Թըռաւ, ցոլաց Դաւիթի հուր ձին,  
Ձին փոթորկեց, փայլատակեց  
Ու ցած իջաւ Թուր-Կայծակին:

Անցաւ քառասուն գոմշի կաշին,  
Անցաւ քառասուն քարերը ցած,  
Միջից կըտրեց ժանս հըրէշին,  
Օխտը գազ էլ դէնը գընաց:

—Կենդանի եմ, մին էլ արի,  
Գոռաց Մեղիք հորի տակից:  
Դաւիթ լըսեց, շատ զարմացաւ  
Իրեն զարկից, Թուր-Կայծակից...

—Մեղիք, ասաւ, թափ տուր մի քեզ:  
Ու թափ տըլաւ Մեղիքն իրեն,  
Միջից եղաւ ճիշտ երկու կէս,  
Մէկն ընկաւ դէսն ու միւսը դէն:

էս որ տեսաւ Մըսրայ բանակ,  
Ձուր կըտըրեց ան ու վախից:  
Դաւիթ կանչեց.—Մի վախենաք,  
Ականջ արէք հալա դեռ ինձ:

Դուք ըռանչալար մարդիկ, ասաւ,  
Ձուրկ ու խաւար, քաղցած ու մերկ,  
Հազար ու մի կըրակ ու ցաւ,  
Հազար ու մի հոգսեր ունէք:

Ինչ էք առել նեռ ու աղիդ,  
Եկել թափել օտար զաշտեր:

Ձէ որ մինք էլ ունենք ատեն-տեղ,  
Մենք էլ ունենք մանուկ ու ծեր...

Չանձրացել էք խաղաղ ու հաշտ  
Հողագործի օր ու կեանքից,  
Թէ՞ զըզուել էք ձեր հանդ ու դաշտ,  
Ձեր հունձ ու փունջ, վար ու ցանքից...

Դարձէք եկած ճանապարհով  
Ձեր հայրենի հողը Մըսրայ.  
Բայց թէ մին էլ զէնք ու գօռով  
Վեր էք կացել դուք մեղ վըրայ,

Հորում լինեն քառսուն գաղ խոր  
Թէ ջաղացի քարի տակին,—  
Կեղնեն ձեր դէմ, ինչպէս այսօր,  
Սասմայ Դաւիթ, Թուր-Կայծակին:

էն ժամանակ Աստուծ գիտի,  
Ով մեղանից կըլնի փոշման.  
Մե՞նք, որ կեղնենք անեղ մարտի,  
Թէ դուք, որ մեղ արիք դուշման...

1902



**Հ Ա Յ Բ Ա Ն Ա Ս Տ Ե Ղ Ծ Ն Ե Ր**

ընդհանուր վերնագրի տակ հետզհետէ լոյս տեսնելու առանձին գրքոյկներով մեր բանաստեղծն լաւագոյն ստեղծագործութիւնները: Արդէն հրատարակած են

1.	Յովհան. Թումանեանի	Մասունցի Դաւիթը	15
2.	»	»	15
3.	»	»	15
4.	[Redacted]	[Redacted]	15
5.	»	[Redacted]	15

Տպագրում է

**Հ Ե Ք Ի Ա Ք Ն Ե Ր Ի Ա Շ Ի Ա Ր Հ**

պատկերագրող սերիան

1.	Ղազ. Աղայեանի.	Գիււնաղ-տատի հէքիաթը, Այծատուր, Զանգի-Զրանգի, Մանուկ-Խան
2.	»	» Անտառի մանուկը, Ասլան-Բալա, Եղեգնուհի
3.	Փոլոլրդական.	Ոսկի ձկնիկ
4.	»	Գառնուկ-Եղբայր, Աղուէսը, Գայլը, Արջն ու Զմուռխտ-ղուշը.

Հրատարակութիւնների պահեստ՝ Թիֆլիս, Товарищество „Ст. Лисицианъ и К<sup>о</sup>“. (Бebutovskaya ул. 29) и Типографія „Гермесъ“ (Мадатовская ул. 15).